

You are free to download, copy, translate or adapt this story and use the illustrations as long as you attribute in the following way:

## Musalu Awonesa Paapawe

Author - Kanyiva Sandi

Translation - Milton Eridad Shissa

Illustration - Benjamin Mitchley

Language - Lumasaaba

Level - Longer paragraphs

© African Storybook Initiative, 2014

Creative Commons: Attribution 4.0

Source [www.africanstorybook.org](http://www.africanstorybook.org)

ASb  
approved



## Musalu Awonesa Paapawe

Milton Eridad Shissa

Benjamin Mitchley




Ni khukhwaamila abweenewo,  
Syooba si elayo luundi khuutsya  
khunywa ta. Ne imbuka yeewe ifuura  
buukali, aakimalila mu khukanikhila  
babaana be mu maleekelo tsingano.



Musalu walaanga ari, "Paapa! Paapa!  
Mu buwaanga bwe kumweesi, Musalu  
waabona paapawe nga arekana ni  
namuunyu. Wenyusa shitsikhi she  
kumulilo mu ngaaki."



Aabawo khaalekho, yabawo  
khakhaana khasiinde khatweela  
kheesi balaanga bari Musalu, nga  
khamenya ni paapawe bari Syooba.



Abe imbuka ifuura buukali, Syooba  
ekhala ibulafu mu khunywa,  
khukhwoolesa shiilo khukari, nga  
Musalu ayilakho imbuka  
khuumubona.



Musalu wesuta waarura mu bulili  
bweewe. Wasyuula shitsikhi she  
kumulilo khukhwaama mu mayika.



Musalu welomela ari, "Kwaluno,  
ifwaana paapa wase ali mu bukosi.  
Ari s'ali khuuwombes ta."



Buli mbuka isi paapa wa Musalu  
akobolela ingo, aakhupatsaka  
liyoombo ari, "Balebe, Balebe! Yiitsa  
munjeete, namuunyu akana  
khuundaya."



Ne buIi lweesi baawulilatsaka Syooba nga akhupa liyoombo, babekhali be khu shisiintsa beetsatsaka, nga barura mu bulili bwaabwe, nga baabaliile buyiingo, kamafumo ni tsipaanga, khuuwonesa Syooba. Ne buli mbuka abe bamunyoola waameelile, nga abawombesa busa.



Nga ni shabatsaka busheele, khukhwantsuwa khwa Syooba khwasiiismusa Musalu. Musalu waarekereesa buulayi ari awulile paapawe oole nga ni shabatsaka. Ne paapawe waalekha khwoola aambi ni ntsu ta. Musalu wenyukha wekhala, waarekeerresa buulayi bubweene.



Syooba waantsuwa luukali lweene. Ne babekhali baaloma bari, "Syooba waakhuluwisile ni buuwombesi bweewe." Baryo baashuukhila busa mu bulili bwaabwe, baafuura liilo lyaabwe.



Paapa wa Musalu weloosela ni khuunywa ni khuukhupa liyoombo lwe buyeeti shiilo khukari. Nabo babekhali be mu shisiintsa belooselatsaka khukhwiitsa ni buyiingo, ni kamafumo, ni tsipaanga, nga bakana khuuwonesa Syooba. Ne buli mbuka nga bamunyoola wameelile, nga abawombesa busa.



Abe buli lweesi paapa wa Musalu  
akobolela ingo mu shilo khukari,  
Musalu awulila liyoombo ilyo,  
lyamusiisimusa mwiilo. Musalu abe  
waamanya likono lya paapawe  
buulayi naabi. Abe arekereesa  
khukhwoolesa Syooba ni eetsa mu  
shiilima woola aambi ni kumulyaango  
kwe ntsu yaabwe.



Shiilo shitweela, Syooba waakobola  
ingo nga wameelile, nga ni  
shabatsaka bushee. Ne kumuluundi  
kuno, abe namuunyu weebisile aambi  
ni ntsu yeewe. Syooba n'akhupa  
liyoombo, namuunyu waamwiitsa  
khuumwibwakala buubi naabi.